

**ANG 1987 KONSTITUSYON
NG
REPUBLIKA NG PILIPINAS**

**ARTIKULO VI
ANG KAGAWARANG TAGAPAGBATAS**

SEKSYON 1. ~~Dapat~~ masalalay sa isang Kongreso ng Pilipinas ang kapangyarihang Tagapagbatas, na dapat binubuo ng isang Senado at isang Kapulungan ng mga Kinatawan, maliban sa lawak na inilaan sa mga taongbayan ng tadhana tungkol sa pagpapatuna at referendum. Ang Kongreso ay dapat rin tawaging Sangguniang Pambansa, at ang mga Miyembro nito ng Kagawad. Maaring baguhin ng Kongreso sa pamamagitan ng batas ang pangalan nito at ng Kapulungan ng mga Kinatawan, at ang titulo ng yaong mga Miyembro.

SEKSYON 2. ~~Ang Senado ay dapat buuin ng dalawampu't apat na Senador na dapat ihalal sa kalahatan ng mga kwalipikadong botante ng Pilipinas, ayon sa maaaring itadhana ng batas.~~

SEKSYON 3. ~~Hindi dapat maging Senador ang sino mang tao matangi kung siya ay katutubong ipinanganak na mamamayan ng Pilipinas at, sa araw ng halalan, dalawamput limang taong gulang man lamang, nakababasa at nakasusulat, rehistradong botante, at naninirahan sa Pilipinas sa loob ng panahong hindi kukulangin sa dalawang taon kagyat bago sumapit ang araw ng halalan.~~

SEKSYON 4. ~~Ang taning ng panunungkulan ng mga Senador ay dapat na anim na taon at dapat magsimula, matangi kung may naiibang itinatadhana ang batas, sa katanghalian ng ikatatumpung araw ng Hunyo na sumusunod sa araw ng pagkakahalal sa kanila.~~

~~Hindi dapat manungkulan ang sino mang Senador ng mahigit sa dalawang magkasunod na taning ng panunungkulan. Ang boluntaryong pagtalikod sa katungkulan sa ano mang tagal ng panahon ay hindi dapat ituring na pagkaputol sa pagpapatuloy ng kanyang paghilingkod para sa buong taning na panahon ng panunungkulan na pinaghalalan sa kanya.~~

SEKSYON 5. (1) Ang Kapulungan ng mga Kinatawan ay dapat buuin ng hindi hihigit sa dalawang daan at limampung kagawad kinatawang pandistrito, matangi kung magtakda ang batas ng naiiba, na dapat ihalal mula sa mga purok pangkapulungan na pinaghati-hati sa mga lalawigan, mga lungsod at Metropolitan Manila Area ayon sa rami ng kinauukulang mga naninirahan, at batay sa magkakatulad at paunlad na pagdami; ng dalawampu't apat na senador o kinatawang panrehiyon, matangi kung magtakda ang batas ng naiiba, na dapat ihalal mula sa mga rehiyon pangkapulungan na binubuo ng mga purok pangkapulungan ayon sa rami ng kinauukulang mga naninirahan, kalakihan ng teritoryo at ng kasarinlan; at yaong ng mga kinatawang pansektor, na ayon sa itinatadhana ng batas ay dapat ihalal sa pamamagitan ng sistemang party-list ng rehistradong partido o organisasyong pambansa, panrehiyon, at pansektor.

(2) ~~Ang kinatawang party-list ay dapat na binubuo ng dalawampung porsyento ng lahat ng mga kagawad ng Kapulungan ng mga Kinatawan. Sa loob ng tatlong magkakasunod na taning ng panunungkulan pagkaraang maratipikahan ang Konstitusyong ito, ang kalahati sa mga pwestong nakalaan sa mga kinatawang party-list ay dapat punan, ayon sa itinatadhana ng batas, sa pamamagitan ng pagpili o paghahalal mula sa sektor ng mga manggagawa, magsasaka, mahirap na tagalungsod, mga katutubong pamayanang pangkalinangan, mga kababaihan, kabataan at sa iba pang mga sektor na maaaring itadhana ng batas, maliban sa sektor na panrelihiyon.~~

SEKSYON 6. ~~Hindi dapat maging Kagawad~~ kinatawang pandistrito o kinatawang panrehiyon ng Kapulungan ng mga Kinatawan ang sino mang tao matangi kung siya ay katutubong ipinanganak na mamamayan ng Pilipinas at, sa mga araw ng halalan, ay dalawampu't limang taong gulang man lamang, nakababasa at nakasusulat, ~~at, maliban sa mga kinatawan ng party-list,~~ rehistradong botante sa purok o rehiyon na paghahalalan sa kanya, at nakapanirahan doon sa loob ng panahong di kukulangin sa isang taon kagyat bago sumapit ang araw ng halalan.

SEKSYON 7. Ang mga Kagawad ng Kapulungan ng mga Kinatawan ay dapat ihalal para sa taning ng ~~tatlong~~ limang taon na magsisimula, matangi kung may naiibang itinadhana ang batas, sa katanghalian ng ikatatlumpung araw ng Hunyo na sumusunod sa pagkahala sa kanila.

Matangi kung may naiibang itinadhana ang batas, hindi dapat manungkulan ang sino mang Kagawad ng Kapulungan ng mga Kinatawan nang mahigit sa tatlong magkakasunod na taning ng panunungkulan. Ang ~~boluntaryong pagtalikod sa katungkulan sa ano mang tagal ng panahon ay hindi dapat ituring na pagkaputol sa pagpapatuloy ng kanyang paghilingkod para sa buong taning ng panahon ng panunungkulan sa pinaghalalan sa kanya. Dapat itadhana ng Kapulungan sa pamamagitan ng batas ang isang sistema ng pagbawi ng katungkulan ng mga kinatawang pandistrito, senador o kinatawang panrehiyon, at kinatawang pansektor.~~

SEKSYON 8. Matangi kung may naiibang itatadhana ang batas, ang regular na halalan ~~ng mga Senador at~~ ng mga Kagawad ng Kapulungan ng mga Kinatawan ay dapat iraos sa ikalawang Lunes ng Mayo.

SEKSYON 9. Kung magkabalakante sa ~~Senado~~ o sa Kapulungan ng mga Kinatawan, maaaring tumawag ng tanging halalan upang punan ang pagkabalakanteng iyon sa paraang itinakda ng batas, ngunit ang ~~Senador~~ o Kagawad ng Kapulungan ng mga Kinatawan na mahahalal sa gayong paraan ay manunuparan sa loob lamang ng nalalabing panahon ng di pa natapos na taning.

SEKSYON 10. Dapat itakda ng batas ang mga sahod ~~ng mga Senador at~~ ng mga Kagawad ng Kapulungan ng mga Kinatawan. Hindi dapat magkabisa ang ano mang pagdaragdag sa nasabing sahod hanggang hindi natatapos ang buong taning sa panunungkulan ng lahat ng Kagawad ~~ng Senado at~~ ng Kapulungan ng mga Kinatawan na nagpatibay sa pagdaragdag na iyon.

SEKSYON 11. Ang isang ~~Senador~~ o Kagawad ng Kapulungan ng mga Kinatawan sa lahat ng mga paglabag na may parusang pagkabilanggong hindi hihigit sa anim na taon, ay dapat na may pribilehiyo laban sa pagkaaresto habang may sesyon ang Kongreso. Ang isang Kagawad ay hindi dapat tanungin o papanagutin sa alin mang ibang lugar dahil sa ano mang talumpati o debate sa Kongreso o sa alin mang komite nito.

SEKSYON 12. Ang lahat ng mga Kagawad ~~ng Senado at~~ ng Kapulungan ng mga Kinatawan, sa simula ng panunungkulan, ay dapat na magsagawa ng ganap na pagsisiwalat ng kanilang mga interes na pampananalapi at pangnegosyo. Dapat ipabatid nila sa ~~kinatungkulan~~ Kapulungan ang maaaring umusbong na salungat na interes sa paghaharap ng isang panukalang pagsasabatas na sila ang may-akda.

SEKSYON 13. Ang isang ~~Senador~~ o Kagawad ng Kapulungan ng mga Kinatawan ay hindi maaaring humawak sa panahon ng kanyang panunungkulan ng ano mang ibang katungkulan o pagkaka-employado sa pamahalaan, o sa alin mang bahagi, sangay, instrumentalidad nito, kabilang ang mga korporasyong ari o kontrolado ng pamahalaan o mga subsidiary nito, nang hindi magbibitiw sa kanyang katungkulan, matangi sa naiibang itinadhana dito ayon sa paghalal ng Presidente at paghirang ng mga kawagad ng gabinete. Hindi rin siya dapat mahirap sa alin mang katungkulan na maaaring nalikha o naragdagan ang sahod sa loob ng taning na panahon ng panunungkulan na pinaghalalan sa kanya.

Ang isang Kagawad ng Kapulungan na naihalal bilang Presidente ng nasabing Kapulungan ay hindi dapat magbibitiw ng katungkulan sa Kapulungan nang dahil sa paghalal. Ang mga Kagawad ng Kapulungan na nahirang ng Presidente bilang mga kagawad ng gabinete ay hindi dapat magbibitiw ng katungkulan sa Kapulungan nang dahil sa paghirang.

SEKSYON 14. Hindi maaaring personal na humarap ang sino mang ~~Senador~~ o Kagawad ng Kapulungan ng mga Kinatawan bilang abogado sa ano mang hukuman ng katarungan o sa mga Hukumang Panghalalan, o sa mga kalupunang mala-panghukuman at sa iba pang mga kalupunang pampangasiwaan. Hindi rin siya dapat maging interesado sa pananalapi nang tuwiran o di-tuwiran sa ano mang kontrata sa, o sa ano mang prangkisa o tanging pribilehiyo na ipinagkaloob ng Pamahalaan, o

ng alin mang bahagi, sangay, o instrumentalidad nito, kasama ang alin mang korporasyong ari o kontrolado ng pamahalaan, o ang subsidiary nito, sa loob ng taning ng panahon ng kanyang panunungkulan. Hindi siya dapat makialam sa ano mang bagay na maaaring niyang pagkakitaan sa alin mang tanggapan ng Pamahaalan o bagay na maaari siyang tawagin upang magpasya dahil sa kanyang katungkulan.

SEKSYON 16. (1) ~~Ang Senado ay dapat maghalal ng Pangulo nito at ang Kapulungan ng mga Kinatawan ay dapat maghalal~~ ng Speaker nito, sa pamamagitan ng mayoryang boto ng lahat ng ~~kaaukulang~~ Kagawad nito.

Ang ~~bawat~~ Kapulungan ay dapat pumili ng iba pang mga pinuno na sa palagay nito ay maaaring kinakailangan.

(2) Ang mayorya ng ~~bawat~~ Kapulungan ay dapat bumuo ng quorum upang makatupad ng gawain, ngunit ang lalong maliit na bilang ay maaaring magtindig ng pulong sa magha-maghaon at maaaring sapilitiang padaluhin ang mga Kagawad na hindi dumadalo sa ano mang paraan, at sa ilalim ng mga parusa, na maaaring itadhana ng Kapulungan ~~iyon~~.

(3) Ang ~~bawat~~ Kapulungan ay maaaring magtakda ng mga alituntunin ng mga gawain nito, magparusa sa mga Kagawad nito dahil sa maligalig na kaasalan, at sa pagsang-ayon ng dalawang-katlo ng lahat mga Kagawad nito, ay magsuspindi o magtiwalag ng isang Kagawad. Ang parusang suspensyon kapag ipinataw, ay hindi dapat humigit sa animnapung araw.

(4) Ang ~~bawat~~ Kapulungan ay dapat mag-ingat ng isang Journal ng mga gawain nito, at sa panahon ay maglathala niyon, maliban sa mga bahagi na sa pasya nito ay maaaring may kinalaman sa pambansang kapanatagan; at ang mga "Oo" at mga "Hindi" sa ano mang suliranin ay dapat itala sa Journal, sa kahiligan ng isang-kalima ng mga Kagawad na dumalo.

Ang ~~bawat~~ Kapulungan ay dapat mag-ingat ng isang Record ng mga gawain nito.

(5) ~~Ang alin man sa dalawang Kapulungan sa panahon ng mga pagpupulong ng Kongreso ay hindi dapat magtindig ng pulong nang mahigit sa tatlong araw, o lumipat sa alin mang pook na iba sa sadyang pulungan ng dalawang Kapulungan, nang di kasang-ayon ang isa't isa. Ang bawat Kagawad ay dapat may iisang boto lamang, kahit ano pa man ang kaniyang kinakatawan, isang distrito, rehiyon o sektor.~~

SEKSYON 17. ~~Ang Senado at ang~~ Kapulungan ng mga Kinatawan ay dapat magkaroon ng sari-sariling Hukumang Panghalalan na magiging tanging tagahatol ng lahat ng tunggalian hinggil sa halalan, mga ulat ng halalan, at mga kwalipikasyon ng ~~kani-kanilang~~ mga Kagawad. Ang ~~bawat~~ Hukumang Panghalalan ay dapat buuin ng siyam na Kagawad, ang tatlo ay dapat mga Mahistrado ng Kataastaasang Hukuman na itatalaga ng Punong Mahistrado, at ang natitirang anim ay dapat na mga Kagawad ~~ng Senado~~ o ng Kapulungan ng mga Kinatawan, ~~gaya ng nararapat~~, na pipiliin batay sa representasyong proporsyonal mula sa mga partidong pampulitika at sa mga partido o organisasyong nakarehistro sa ilalim ng sistemang party-list na kinakatawan doon. Ang nakatataas na Mahistrado sa Hukumang Panghalalan ay dapat na Tagapangulo nito.

SEKSYON 18. ~~Dapat magkaroon ng isang Komisyon sa Paghirang na bubuuin ng Pangulo ng Senado, bilang Tagapangulo ex-officio, labindalawang Senador at labindalawang Kagawad ng Kapulungan ng mga Kinatawan, na halal ng bawat Kapulungan batay sa representasyong proporsyonal mula sa mga partidong pampulitika at sa mga partido o organisasyong nakarehistro sa ilalim ng sistemang party-list na kinakatawan doon. Ang Tagapangulo ng Komisyon ay hindi dapat bumoto, maliban sa kaso ng pagpapatas. Dapat magpasya ng Komisyon sa lahat ng mga paghirang na iniharap dito sa loob ng tatlung araw ng sesyon ng Kongreso mula sa paghaharap ng mga ito. Dapat maglagda ng pasya ang Komisyon sa pamamagitan ng mayoryang boto ng lahat ng Kagawad.~~

SEKSYON 19. Ang mga Hukumang Panghalalan ~~at ang Komisyon ng Paghirang~~ ay dapat buuin sa loob ng tatlung araw makaraang matatag ~~ang Senado at ang~~ Kapulungan ng mga

Kinatawan sa pagkakahalal ng Pangulo ng Senado at ng Speaker. Ang Komisyon sa Paghirang ay dapat magpulong sa panahon lamang na may sesyon ang Kongreso, sa tawag ng Tagapangulo nito o ng nakararami sa mga kagawad nito, upang tuparin ang mga kapangyarihan at tungkulin na ipinagkaloob dito.

SEKSYON 21. Ang Senado o ang Kapulungan ng mga Kinatawan o alin man sa kanilang mga kaukulang komite ay maaaring magsagawa ng mga pasisiyasat bilang tulong sa pagbabatas ayon sa mga alintuntunin ng mga pamamaraan nito na marapat na nalathala. Dapat igalang ang mga karapatan ng mga taong humarap sa o apektado ng gayong mga pagsisiyasat.

SEKSYON 22. Ang mga puno ng mga kagawaran, sa kanilang sariling pagkukusa na kasangayon ang Pangulo, o sa kahilingan ng alin man sa dalawang Kapulungan, gaya ng dapat itadhana ng mga alintuntunin ng bawat Kapulungan, ay maaaring humarap at dingin ng gayong Kapulungan hinggil sa ano mang bagay na nauugnay sa kanilang mga kagawaran. Ang mga nakasulat na katanungan ay dapat iharap sa Pangulo ng Senado o sa Speaker ng Kapulungan ng mga Kinatawan tatlong araw man lamang bago sumapit ang kanyang nakatakdang pagharap. Ang mga interpelasyon ay hindi dapat tungkol lamang sa naiharap na mga katanungang nakasulat kundi maaari ring sumaklaw sa iba pang mga bagay-bagay na kaugnay nito. Kapag kakailanganin ng kapanatagan ng Estado o ng kapakanang pambayan at ito ay ilalahad nang nakasulat ng Pangulo, ang pagharap ay dapat isagawa sa isang sesyong tagapagpaganap.

SEKSYON 23. (1) Ang Kongreso, sa pamamagitan ng botong dalawang katlo ng dalawang Kapulungan na magkasamang natitipon sa sesyon, ay may tanging kapangyarihang magpahayag ng pag-iral ng kalagayang digma.

SEKSYON 24. Ang lahat ng mga panukalang-batas sa laang-gugulin, rentas o taripa, mga panukalang-batas na nagpapahintulot ng pagdaragdag ng utang na pambayan, mga panukalang-batas na may bisang lokal, at mga panukalang-batas na pansarili ay dapat magmula sa Kapulungan ng mga Kinatawan lamang, ngunit ang Senado ay maaaring magpanukala o sumang-ayon sa pamamagitan ng mga susog.

SEKSYON 25. (5) Hindi dapat magpatibay ng isang batas na magpapahintulot ng no mang paglilipat ng mga laang-gugulin; gayon man, ang Pangulo, ang Pangulo ng Senado, ang Speaker ng Kapulungan ng mga Kinatawan, ang Punong Mahistrado ng Kataastaasang Hukuman, at ang mga puno ng mga Komisyong Konstitusyonal ay maaaring pahintulutan sa pamamagitan ng batas na dagdagan ang alin mang item sa panukalang-batas ng pangkalahatang mga laang-gugulin ukol sa kani-kanilang tanggapan mula sa natipid sa ibang mga item ng kani-kanilang mga laang-gugulin.

SEKSYON 26. (2) Hindi dapat maging batas ang ano mang panukalang-batas na pinagtibay ng alin mang Kapulungan matangi kung ito ay mapagtibay sa tatlong pagbasa sa magkakahiwalay na araw, ang ang nakalimbag na mga sipi nito sa pangwakas na anyo ay naipamahagi na sa mga Kagawad nito tatlong araw bago mapagtibay ito, maliban kung ang Pangulo ay magpapatunay sa pangangailangan ng madaliang pagsasabatas nito upang matugunan ang isang pambayang kalamidad o kagipitan. Sa huling pagbasa ng isang panukalang-batas, hindi dapat payagan ang ano mang susog dito, at ang pagbobotohan hinggil dito ay isasagawa kagyat pagkaraan nito, at itatala sa Journal ng mga "Oo" at mga "Hindi".

SEKSYON 27. (1) Ang bawat panukalang-batas na mapagtibay ng Kongreso ay dapat iharap sa Pangulo bago maging batas. Dapat niyang lagdaan ito kung sinasang-ayunan niya, kung hindi, dapat niyang i-veto at ibalik na kalakip ang kanyang mga tutol sa Kapulungang pinanggalingan nito, na dapat magpasok ng mga tutol sa kabuuan sa katitikan nito at muling isaalang-alang ang panukalang batas. Kung, pagkaraan ng gayong muling pagsasaalang-alang, ang dalawang-katlo ng lahat ng mga Kagawad ng Kapulungang iyon ay magkaisang pagtibayin ang panukalang-batas, ito'y dapat ipadala, kalakip ang mga tutol, sa kabilang Kapulungan upang muling isaalang-alang niyon, at kung pagtibayin ng dalawang-katlo ng lahat ng mga Kagawad ng Kapulungang iyon, ito'y magiging batas. Sa lahat ng gayong pangyayari, ang mga boto ng bawat Kapulungan ay dapat pagpasyahan sa pamamagitan ng mga "Oo" o "Hindi", at dapat itala sa Journal nito ang mga pangalan ng mga Kagawad na bumoto nang

sangayon o salungat. Dapat ipabatid ng Pangulo ang kanyang pag-veto sa alin mang panukalang-batas sa Kapulungang ~~pinanggalingan nito~~ sa loob ng tatlumpung araw matapos matanggap ito; at kung hindi, ito ay dapat maging batas na para na ring nilagdaan niya.

ARTIKULO VII ANG KAGAWARAN NG TAGAPAGPAGANAP (The Executive Branch)

SEKSYON 1. Ang kapangyarihang tagapagpaganap ay dapat masalalay sa isang Pangulo ng Pilipinas. Ang Presidente ay dapat tawaging Pangulo. Ang Presidente ay siyang dapat na puno ng gabinete. Ang Presidente bilang puno ng gabinete, ay dapat rin tawaging Punong Kalihim, at ang mga kagawad ng gabinete ng Kalihim. Maaaring baguhin ng Kapulungan sa pamamagitan ng batas ang titulo ng Presidente at ng mga kagawad ng gabinete.

Dapat may isang puno ng estado. Dapat itadhana ng Kapulungan sa pamamagitan ng batas ang kapangyarihan, tungkulin, katangian, sahod, kapakinabangan, paghalal, pag-alis at taning ng puno ng estado. Ang puno ng estado ay dapat tawaging Lakan. Maaaring baguhin ng Kapulungan ang titulo ng puno ng estado.

Dapat itadhana ng Kapulungan sa pamamagitan ng batas ang isang konseho ng estado. Ang konseho ng estado ay dapat may kapangyarihang magbigay ng payo sa lahat ng sangay at subdibisyon ng pamahalaan, at sa lahat ng sektor at komunidad ng taongbayan, sa lahat ng bagay na may pambansang interes. Ang puno ng estado ang siyang dapat na puno ng konseho ng estado. Ang konseho ng estado ay dapat tawaging Lupong Pambansa. Maaaring baguhin ng Kapulungan sa pamamagitan ng batas ang pangalan ng konseho ng estado.

SEKSYON 2. ~~Hindi maaaring mahalal na Pangulo ang sino mang tao matangi kung siya ay isang katutubong ipinanganak na mamamayan ng Pilipinas, isang reshistradong botante, nakababasa at nakasusulat, apatnapung taon man lamang ang gulang sa araw ng halalan, at isang residente ng Pilipinas sa loob ng sampung taon man lamang kagayt bago ang gayong halalan.~~

Ang Presidente ay dapat magkaroon ng katangian na katulad sa mga Kagawad ng Kapulungan. Ang Presidente ay dapat ihalal ng Kapulungan mula sa hanay nito sa pamamagitan ng mayoryang boto ng lahat ng Kagawad nito. Ang Presidente ay dapat magkaroon ng taning ng panunungkulan na katulad sa mga Kagawad ng Kapulungan, matangi ang mas maagang pag-alis ayon sa itinadhana dito. Maaaring alisin ng Kapulungan ang Presidente nang kahit kailan sa pamamagitan ng mayoryang boto ng lahat ng Kagawad nito, dahil sa kawalan ng tiwala. Ang Presidente na naalis bilang Kagawad ng Kapulungan ay dapat rin naalis bilang Presidente sa dahilang ito.

SEKSYON 3. ~~Dapat magkaroon ng isang Pangalawang Pangulo na may katangian at taning ng panunungkulan na katulad ng sa Pangulo at dapat mahalal na kasabay at sa paraang katulad ng sa Pangulo. Maaari siyang alisin sa panunungkulan sa paraang katulad ng sa Pangulo.~~

~~Ang Pangalawang Pangulo ay maaaring hiranging kagawad ng gabinete. Hindi kinakailangan ang ano mang kumpirmasyon sa gayong paghirang.~~

SEKSYON 4. ~~Ang Pangulo at Pangalawang Pangulo ay dapat mahalal sa pamamagitan ng tuwirang boto ng sambayanan para sa taning na anim na taon na magsisimula sa katanghalian ng ikatatlumpung araw ng Hunyo na sumusunod sa araw ng halalan at magtatapos sa katanghalian ng gayon ding petsa pagkaraan ng anim na taon. Ang Pangulo ay hindi magiging karapat dapat sa ano mang muling paghahalal. Ang sino mang tao na humalili bilang Pangulo at naglingkod nang gayon sa loob ng higit na apat na taon ay hindi dapat maging kwalipikado sa paghahalal sa katularing katungkulan sa alin mang panahon.~~

~~Hindi dapat manungkulan ang sino mang Pangalawang Pangulo sa loob ng mahigit sa dalawang magkasunod na taning ng panunungkulan. Ang boluntaryong pagtalikod sa katungkulan sa ano mang tagal ng panahon ay hindi dapat ituring na pagkaputol sa pagpapatuloy ng paghilingkod para sa buong~~

taning na panahon ng panunungkulan na pinaghalalan sa kanya.

~~Maliban kung magtakda ng naiiba ang batas, ang regular na halalan para sa Pangulo at Pangalawang Pangulo aya dapat iraos sa ikalawang Lunes ng Mayo.~~

~~Ang mga ulat ng bawat halalan para sa Pangulo at Pangalawang Pangulo, na pinatibayan gaya ng nararapat ng lupong tagabilang ng bawat lalawigan o lungsod, ay dapat ipadala sa Kongreso, tukoy sa Pangulo ng Senado. Pagkatanggap ng sertipiko sa bilang, dapat buksan ng Pangulo ng Senado, nang hindi lalampas ang tatumpung araw pagkaraan ng araw ng halalan, ang lahat ng mga sertipiko sa harap ng Senado at ng Kapulungan ng mga Kinatawan sa magkasamang sesyon, at dapat bilangin ng Kongreso ang mga boto sa sandaling matiyak ang pagiging totoo at ang nararapat na pagsasagawaniyon sa paraang itinatadhana ng batas.~~

~~Ang taong may pinakamaraming bilang ng mga boto ay dapat ihayag na nahalal, ngunit sakaling dalawa o higit pa ang magakaroon ng patas at pinakamaraming bilang ng mga boto, ang isa sa kanila ay dapat piliin agad sa pamamagitan ng nakararaming boto ng lahat ng mga kagawad ng Kongreso.~~

~~Dapat maglagda ang Kongreso ng mga tuntunin nito para sa pagbilang ng mga sertipiko.~~

~~Dapat maging tanging hukom ang Kataastaasang Hukuman, na nakalipon *en banc*, ng lahat ng mga hidwaan tungkol sa mga halalan, mga ulat, at mga kwalipikasyon ng Pangulo at Pangalawang Pangulo, at maaaring maglagda ng mga tuntunin nito para sa layuning iyon.~~

~~SEKSYON 5. Bago magsimula sa pagtupad ng kanilang katungkulan ang Pangulo, ang Pangalawang Pangulo, o ang Nanunungkulang Pangulo, ay dapat magsagawa ng sumusunod na panunumpa o pagpapatotoo:~~

~~"Matimtim kong pinanunumpa (o pinatotohanan) na tutuparin ko nang buong katapatan at sigasig ang aking mga tungkulin bilang Pangulo (o Pangalawang Pangulo o Nanunungkulang Pangulo) ng Pilipinas, pangangalagaan at ipagtatangol ang kanyang Konstitusyon, ipatutupad ang mga batas nito, magiging makatarungan sa bawat tao, at itatalaga ang aking sarili sa paglilingkod sa Bansa. Kasihan nawa ako ng Diyos." (Kapag pagpapatotoo, ang huling pangungusap ay kakaltasin.)~~

~~SEKSYON 6. Ang Pangulo ay dapat magkaroon ng isang tirahang opisyal. Ang mga sahod ng Pangulo at Pangalawang Pangulo ay dapat itakda ng batas at hindi dapat bawasan sa panahon ng kanilang kaniyang panunungkulan. Hindi dapat magkabisa ang ano mang dagdag sa naturang sahod hanggang sa pagkatapos ng taning ng nanunungkulan na sa panahon ng kanyang panunungkulan pinagtibay ang gayong dagdag. Ang Presidente ay hindi sila dapat tumanggap sa panahon ng kanilang kaniyang panunungkulan ng ano mang iba pang sweldo mula sa Pamahalaan o sa ano mang iba pang mapagkukunan, subalit ang Presidente ay dapat rin tumanggap ng sahod at kapakinabangan bilang Kagawad ng Kapulungan.~~

~~Ang mga Kagawad ng Kapulungan na nahirang bilang kagawad ng gabinete ay dapat tumanggap ng sahod at kapakinabangan sa dalawang panunungkulan.~~

~~SEKSYON 7. Ang halal na Pangulo at ang halal na Pangalawang Pangulo ay dapat manungkulan sa pagsisimula ng kanilang mga taning na panahon.~~

~~Kung ang halal na Pangulo ay hindi maging marapat sa tungkulin, ang halal na Pangalawang Pangulo ay dapat gumanap na Pangulo hanggang sa maging marapat ang halal na Pangulo.~~

~~Kung mangyari na hindi nakapili ng isang Pangulo, ang halal na Pangalawang Pangulo ay dapat gumanap na Pangulo hanggang sa makapili at maging marapat ang isang Pangulo.~~

~~Kung sa pagsisimula ng panahon ng panunungkulan ng Pangulo ay namatay o pamalagiang nabalda ang halal na Pangulo, ang halal na Pangalawang Pangulo ay dapat maging Pangulo.~~

~~Sakaling hindi nakapili o hindi naging marapat ang isang Pangulo at Pangalawang Pangulo, o sakaling sila ay kapwa namatay o pamalagiang nabalda, ang Pangulo ng Senado o, kung hindi nito kaya, ang Speaker ng Kapulungan ng mga Kinatawan, ay dapat gumanap na Pangulo hanggang makapili at maging marapat ang isang Pangulo o isang Pangalawang Pangulo.~~

~~Dapat magtakda sa pamamagitan ng batas ang Kongreso para sa pagpili ng isang tao na manunungkulang Pangulo hanggang sa maging kwalipikado ang isang Pangulo o isang Pangawalang Pangulo, kung mangyari ang pagkamatay, pamalagiang pagkabalda, o kawalang kaya ng mga opisyal na tinutukoy sa sinundang talataan.~~

~~SEKSYON 8. Kung mangyari ang pamalagiang pagkabalda, pagkamatay, pagkaalis sa katungkulan o pagbibitiw ng Pangulo, ang Pangawalang Pangulo ay dapat maging Pangulo na manunungkulan sa di-natapos na bahagi ng taning ng panahon ng panunungkulan. Kung mangyari ang pamalagiang pagkabalda, pagkamatay, pagkakaalis sa katungkulan o pagbibitiw ng Pangulo at Pangalawang Pangulo, ang Pangulo ng Senado o, kung hinding nito kaya, ang Speaker ng Kapulungan ng mga Kinatawan ang dapat gumanap kung gayon na Pangulo hanggang sa mahalal at maging marapat ang Pangulo o Pangalawang Pangulo.~~

~~Dapat magtakda sa pamamagitan ng batas ng Kongreso kung sino ang maglilingkod na Pangulo kung mangyari ang pagkamatay, pamalagiang pagkabalda, o pagbibitiw ng Nanunungkulang Pangulo. Siya ay dapat na maglingkod hanggang sa ang Pangulo o Pangalawang Pangulo ay mahalal at maging marapat, at dapat sumailalim sa katularing mga katakdaan ng mga kapangyarihan at diskwalipikasyon katulad ng sa Nanunungkulang Pangulo.~~

~~SEKSYON 9. Kailanman at may bakante sa katungkulan ng Pangalawang Pangulo sa taning na panahon ng panunungkulan na pinaghalalan sa kanya, ang Pangulo ay dapat magnomina ng isang Pangalawang Pangulo mula sa mga kagawad ng Senado at ng Kapulungan ng mga Kinatawan na dapat manungkulan sa sandaling makumpirmahan ng nakararaming boto ng lahat ng mga kagawad ng dalawang Kapulungan ng Kongreso sa magkahiwalay na pagboto.~~

~~SEKSYON 10. Ang Kongreso ay dapat magsimula ng pagpupulong sa ikasampu ng umaga ng ikatlong araw pagkaraang mabakante ang mga katungkulan ng Pangulo at ng mga Pangalawang Pangulo, alinsunod sa mga alituntunin nito na hindi mangangailangang itawag, at sa loob ng pitong araw ay magpatibay ng batas na tumatawag ng tanging halalan upang maghalal ng isang Pangulo at isang Pangalawang Pangulo na idaraos nang hindi aaga sa apatnapu't limang araw o di lalampas sa animnapung araw mula sa panahon ng pagtawag na iyon. Ang panukalang batas sa pagtawag ng tanging halalan ay ituturing na pinagtibay sa ilalim ng Talataan bilang 2, Seksyon 2, Artikulo VI ng Konstitusyong ito at dapat maging batas matapos pagtibayin sa ikatlong pagbasa ng Kongreso. Ang laang gugulin at hindi dapat masaklaw ng mga pangunang kinakailangan na itinatakda ng Talataan 4, Seksyon 25, Artikulo VI ng Konstitusyong ito. Ang pagpupulong ng Kongreso ay hindi maaaring suspindihin ni ipagliban kaya ang tanging halalan. Hindi dapat tumawag ng ano mang tanging halalan kapag ang pagkabakante ay nangyari sa loob ng isang daan at walumpung araw bago sumapit ang petsa ng susunod na halalang pangpanguluhan.~~

~~SEKSYON 11. Kailan man at nagpahatid ang Pangulo sa Pangulo ng Senado at sa Speaker ng Kapulungan ng mga Kinatawan ng kanyang nakasulat na deklarasyon na hindi niya kayang gampanan ang mga kapangyarihan at tungkulin ng kanyang kantungkulan, at hangga't hindi siya nagpapahatid sa kanila ng nakasulat na salungat na deklarasyon, ang gayong mga kapangyarihan at mga tungkulin ay dapat gampanan ng Pangalawang Pangulo bilang Nanunungkulang Pangulo.~~

~~Kailanman at ang nakararami sa lahat ng mga Kagawad ng Gabinete ay nagpahatid sa Pangulo ng Senado at sa Speaker ng Kapulungan ng mga Kinatawan ng kanilang nakasulat na deklarasyon na hindi kayang gampanan ng Pangulo ang mga kapangyarihan at tungkulin ng kanyang katungkulan, ang Pangalawang Pangulo ang dapat bumalik agad sa mga kapangyarihan at tungkulin ng katungkulan bilang Nanunungkulang Pangulo.~~

~~Pagkatapos niyon, kapat ang Pangulo ay nagpahatid sa Pangulo ng Senado at sa Speaker ng Kapulungan ng mga Kinatawan ng kanyang nakasulat na deklarasyon na walang umiiral na ano mang kawalang-kaya, dapat niyang balikating muli ang mga kapangyarihan at tungkulin ng kanyang katungkulan. Samantala, kapa ang nakararami sa lahat ng kagawad ng Gabinete ay nagpahatid sa Pangulo ng Senado at sa Speaker ng Kapulungan ng mga Kinatawan sa loob ng limang araw ng kanilang nakasulat na deklarasyon na hindi kayang gampanan ng Pangulo ang mga kapangyarihan at tungkulin ng kanyang katungkulan, dapat pagpasiyahan ng Kongreso ang bagay na ito. Para sa layuning ito, dapat magpulong ang Kongreso sa loob ng apatnapu't walong oras, kung ito ay walang sesyon, alinsunod sa mga alituntunin nito at hindi na nangangailangang itawag.~~

~~Kung ipasya ng Kongreso, sa loob ng sampung araw pagkatanggap sa huling nakasulat na deklarasyon, o, kung walang sesyon, sa loob ng labindalawang araw pagkaraang ito ay kinakailangang magtipon, sa pamamagitan ng dalawang katlong boto ng kapwa Kapulungan ng Kongreso, sa magkahiwalay na pagboto, na hindi kayang gampanan ng Pangulo ang mga kapangyarihan at tungkulin ng kanyang katungkulan, ang Pangalawang Pangulo ang dapat manungkulang Pangulo; kung hindi, dapat magpatuloy ang Pangulo sa pagtupad ng mga kapangyarihan at tungkulin ng kanyang katungkulan.~~

~~SEKSYON 12. Sakaling magkasakit nang malubha ang Pangulo, dapat ipabatid sa taong-bayan ang kalagayan ng kanyang kalusugan. Ang mga Kagawad ng Gabinete na nangangasiwa sa kapanatagang pambansa at ugnayang panlabas at ang Puno ng Estado ng Sandatahang Lakas ng Pilipinas, ay hindi dapat pagkaitang makalapit sa Pangulo sa panahon ng gayong pagkakasakit.~~

~~SEKSYON 13. Ang Pangulo, Pangalawang Pangulo, ang mga Kagawad ng Gabinete, at ang kanilang mga deputy o mga pangalawa, sa loob ng taning na panahon ng kanilang panunungkulan, ay hindi dapat humawak ng ano mang iba pang katungkulan o pagka-employado maliban kung magtadhana ng naiiba sa Konstitusyong ito. Sa panahon ng nasabing panunungkulan, sila ay hindi dapat maglingkod ng tuwiran o di-tuwiran ng ano mang iba pang propesyon, lumahok ng tuwiran o di-tuwiran sa ano mang negosyo, o maging interesado sa pananalapi nang tuwiran o di-tuwiran sa ano mang kontrata, o sa alin mang prankisya, o natatanging pribilehiyo na kaloob ng Pamahalaan o ng alin mang bahagi, sangay, o instrumentalidad niyon, kasama ang alin mang korporasyong ari o kontrolado ng Pamahalaan o mga subsidiary nito. Dapat nilang pakaiwasang mahigpit ang salungat na interes sa pagtupad ng kanilang katungkulan.~~

~~SEKSYON 15. Ang isang Pangulo o Nanunungkulang Pangulo ay hindi dapat gumawa ng mga paghirang sa loob ng dalawang buwan kagyat bago sumapit ang susunod na halalang pampanguluhan ng mga Kagawad ng Kapulungan at hanggang sa matapos ang kanyang taning ng panunungkulan, matangi sa mga pansamantalang paghirang sa mga katungkulang tagapagpaganap kung ang patuloy na mga pagka-bakante roon ay makapipinsala sa lingkurang pambayan o magsasapanganib sa kaligtasang pambayan.~~

~~SEKSYON 16. Ang Pangulo ay dapat magnomina at, sa pagsang-ayon ng Komisyon ng Paghirang, dapat humirang ng mga puno ng mga kagawarang tagapagpaganap, mga ambasadador, iba pang mga pambayang minister at konsul, o mga pinuno ng sandatahang lakas mula sa rankong koronel o kapitan ng hukbong pandagat at iba pang mga pinuno na ang mga paghirang ay nakasalalay sa kanya sa Konstitusyong ito. Dapat din niyang hirangin ang lahat ng iba pang mga pinuno ng Pamahalaan na ang paghirang sa kanila ay walang ibang itinatadhana ang batas, at ng mga maaari niyang hirangin sa pamamagitan ng batas. Ang Kongreso, sa pamamagitan ng batas, ay maaaring magsalalay sa Pangulo lamang, sa mga hukuman, o sa mga puno ng mga kagawaran, mga sangay, mga komisyon o mga kalupunan, ng kapangyarihang humirang ng iba pang mga nakabababang pinuno.~~

~~Ang Pangulo ay dapat magkaroon ng kapangyarihang gumawa ng mga paghirang sa panahon na pahinga ang Kongreso, kusa o sapilitan man, subalit ang gayong mga paghirang ay dapat na may-bisa lamang hanggang sa disaprubahan ng Komisyon sa Paghirang o hanggang sa susunod na pagtitindig ng pulong ang Kongreso.~~

~~SEKSYON 18. Dapat maging Commander-in-Chief ng lahat ng mga sandatahang lakas ng~~

Pilipinas ang Pangulo at, kailanma't kakailanganin, maaari niyang atasan ang nasabing mga sandatahang lakas na pigilin o sugpuin ang labag sa batas na karahasan, pananalakay, o paghihimagsik. Kung sakaling may pananalakay o paghihimagsik, kapag kakailanganin ng kaligtasang pambayan, maaaring suspindihin niya, nang hindi hihigit sa animnapung araw, ang pribilehiyo ng *writ of habeas corpus* o ipailalim sa batas militar ang Pilipinas o ang alin mang bahagi nito. Sa loob ng apatnapu't walong oras ng pagkapahayag ng batas militar o pagkakasuspindi ng pribilehiyo ng *writ of habeas corpus*, ang Pangulo ay dapat magharap ng personal o nasusulat na ulat sa Kongreso. Ang Kongreso, ~~sa magkakasamang pagboto~~, sa pamamagitan ng mas nakararaming boto ng lahat ng mga Kagawad nito sa regular o tanging sesyon, ay maaaring maisantabi ang nasabing pagkapahayag o pakasuspindi, na hindi dapat isaisantabi ng Pangulo ang papapawalang-saysay na iyon. Sa pagkukusa ng Pangulo, maaaring palawigin ng Kongreso sa katulad na paraan ang nasabing pagkapahayag o pagkasuspindi sa loob ng panahong itatakda ng Kongreso kung magpapatuloy ang pananalakay o paghihimagsik at kakailanganin ng kaligtasang bayan.

SEKSYON 21. Hindi dapat maging balido at may-bisa ang ano mang kasunduang-bansa o kasunduang internasyonal namg walang pagsang-ayon ng dalawang-katlo ng lahat ng mga Kagawad ng ~~Senado~~ Kapulungan.

ARTIKULO XI **KAPANAGUTAN NG MGA PINUNONG BAYAN** (Responsibilities of Government Officials)

SEKSYON 2. Ang Pangulo, ~~Pangalawang Pangulo~~, ang mga Mahistrado ng Kataastaasang Hukuman, ang mga Kagawad ng Komisyong Konstitusyonal, at ang Ombudsman ay maaaring alisin sa katungkulan sa pamamagitan ng impeachment, at pagkahatol doon sa tandisang paglabag sa konstitusyon, pagtataksil, pagpapasuhol, graft at corruption, iba pang mabibigat na krimen, o pagkakanulo sa pagtitiwala ng bayan. Ang lahat ng iba pang mga pinuno at kawaning pambayan ay maaaring alisin sa katungkulan ayon sa itinatadhana ng batas subalit hindi sa pamamagitan ng impeachment.

SEKSYON 3. (4) Kung ang pinanumpaang sakdal o resolusyon sa impeachment ay iniharap ng isang-katlo man lamang ng lahat ng mga Kagawad ng Kapulungan, iyon ay dapat bumuo sa mga Artikulo ng Impeachment, at dapat isunod agad ang paglilitis ng ~~Senado~~ Kapulungan.

(6) Ang ~~Senado~~ Kapulungan ay dapat magkaroon ng tanging kapangyarihang maglitis sa lahat ng mga kaso impeachment. Kapag nagpulong ukol sa layuning iyon, ang mga ~~Senador~~ Kagawad ay dapat sumailalim ng panunumpa o pagpapatotoo. ~~Kapag ang Pangulo ng Pilipinas ay nililitis, ang Punong Mahistrado ng Kataastaasang Hukuman ang dapat mangulo, ngunit hindi dapat bumoto.~~ Hindi dapat parusahan ang sino mang tao nang walang pagsang-ayon ng dalawang-katlo ng lahat ng Kagawad ng ~~Senado~~ Kapulungan.

ARTIKULO XVIII **MGA TADHANANG LILIPAS** (Transitory Provisions)

SEKSYON 4. Ang lahat ng mga umiiral na kasunduang-bansa o mga kasunduang internasyonal na hindi naratipikahan ay hindi dapat muling ipagpatuloy o palugitan nang walang pagsang-ayon ang dalawang-katlo man lamang ng mga Kagawad ng ~~Senado~~ Kapulungan.

SEKSYON 25. Sa pagwawakas sa 1991 ng Kasunduan ng Republika ng Pilipinas at ng United States of America tungkol sa Base Militar, ang mga dayuhang base militar, mga tropa o mga pasilidad ay hindi dapat pahintulutan sa Pilipinas maliban sa ilalim ng mga termino ng kasunduang-bansa na kinatigan gaya ng nararapat ng ~~Senado~~ Kapulungan, at kung hinihingi ng Kongreso ay niratipikahan sa pamamagitan ng mayoryang boto ng mga mamamayan sa isang referendum na iniraos para sa layuning iyon, at kinikilalang kasunduang-bansa ng kabilang panig na nakikipagkasunduang Estado.

SEKSYON 28. Ang kasalukuyang Presidente at Bise Presidente ay dapat manungkulan

hanggang sa pagtatapos ng taning ng panunungkulan sa tanghaling tapat ng ikatlumpung araw ng Hunyo 2010, maliban kung mahatulan sa pamamagitan ng impeachment sa boto ng isang katlo ng lahat ng Kagawad ng Kapulungan ayon sa bagong Artikulo XI, Seksyon 2 at 3. Ang kasalukuyang Presidente at Bise Presidente ay hindi dapat maalís sa katungkulan sa boto lamang ng mayorya ng lahat ng Kagawad ng Kapulungan dahil sa kawalan ng tiwala ayon sa bagong Artikulo VII, Seksyon 2.

Kung mangyari ang pagkamatay, pamalagiang pagkabalda, pagbibitiw o pagkaalis sa katungkulan ng kasalukuyang Presidente, and kasalukuyang Bise Presidente ay dapat maging Presidente. Kung mangyari ang pagkamatay, pamalagiang pagkabalda, pagbibitiw o pagkaalis sa katungkulan ng parehong kasalukuyang Presidente at Bise Presidente, ang Kapulungan ay dapat maghalal ng tagapaghaliling Presidente mula sa hanay nito sa pamamagitan ng mayoryang boto ng lahat ng Kagawad nito, na manunungkulan sa di natapos na bahagi ng taning ng panahon ng panunungkulan.

Ang kasalukuyang Presidente ay dapat maging puno ng estado sa panahon ng kaniyang panunungkulan.

Ang kasalukuyang Bise Presidente ay dapat maging kagawad ng gabinete sa panahon ng kaniyang panunungkulan.

Matangi kung may naiibang itinadhana ang batas, ang konseho ng estado ay dapat magkaroon ng sumusunod na kagawad: ang kasalukuyang puno ng estado, presidente, bise presidente, speaker ng kapulungan ng mga kinatawan at punong mahistrado ng kataastaasang hukuman; mga dating puno ng estado, presidente, bise presidente, presidente ng senado, speaker ng kapulungang ng mga kinatawan at ng interim/regular na batasang pambansa/national assembly, punong ministro at punong mahistrado ng kataastaasang hukuman; ang kasalukuyang kalihim na tagapagpaganap, kalihim na tagapagtanggol at kalihim ng foreign affairs; mga dating kalihim na tagapagpaganap, kalihim/ministro na tagapagtanggol at kalihim/ministro ng foreign affairs, na nanungkulan nang hindi kumulang sa limang taon ng pagsama-samang panunungkulan; at iba pang tao na maaaring hirangin ng Presidente. Kung walang itinadhana ang batas, maaaring buoin ng Presidente sa pamamagitan ng Executive Order ang isang konseho ng estado bilang lupong tagapagpayo ng pamahalaan at ng taongbayan.

SEKSYON 29. Ang mga kasalukuyang Senador ay dapat maging Kagawad ng Kapulungan ng mga Kinatawan, at manungkulan sa ganitong katungkulan hanggang sa pagtatapos ng taning ng kanilang panunungkulan sa tanghaling tapat ng ikatlumpung araw ng Hunyo 2010 o sa tanghaling tapat ng ikatlumpung araw ng Hunyo 2013 kung alin man ang nararapat.

SEKSYON 30. Ang halalan ng mga kinatawang pandistrito, senador o kinatawang panrehiyon at kinatawang pansektor ay dapat iraos kasabay ang halalan ng mga gobernador at mayor sa ikalawang Lunes ng Mayo 2010. Ang nasabing halalan ng senador o kinatawang panrehiyon ay hindi dapat maging hadlang sa patuloy na panunungkulan ng mga kasalukuyang senador bilang Kagawad ng Kapulungan ng mga Kinatawan hanggang sa pagtatapos ng kanilang taning ng panunungkulan.

SEKSYON 31. Matangi kung may naiibang itinadhana ang batas, dapat kinakatawan ng mga senador o kinatawang panrehiyon ang mga sumusunod na rehiyon:

(1) Ang kapuluan ng Luzon ay dapat kinakatawan ng labindalawang senador, ang kapuluan ng Visayas ng anim na senador, at ang kapuluan ng Mindanao ng anim na senador.

(2) Ang kapuluan ng Luzon ay dapat kabilang ang mga pulo ng Batanes at Catanduanes kasama ang iba pa. Ang kapuluan ng Visayas ay dapat kabilang ang mga pulo ng Mindoro, Marinduque, Romblon, Palawan, Masbate, Biliran, Guimaras at Siquijor kasama ang iba pa. Ang kapuluang ng Mindanao ay dapat kabilang ang mga pulo ng Basilan, Sulu, Tawi-Tawi, Camiguin, Dinagat at Samal kasama ang iba pa.

(3) Ang rehiyon ng Ilocos kabilang ang Pangasinan ay dapat kinakatawan ng dalawang senador, ang rehiyon ng Cordillera ng isang senador, ang rehiyon ng Cagayan kabilang ang Batanes ng isang

senador, ang rehiyon ng gitnang Luzon kabilang ang Aurora ng dalawang senador, ang rehiyon ng Metro Manila ng tatlong senador, ang rehiyon ng CALABARZON ng dalawang senador at ang rehiyon ng Bicol kabilang ang Catanduanes ng isang senador.

(4) Ang rehiyon ng MIMAROPA ay dapat kinakatawan ng isang senador, and rehiyon ng Waray kabilang ang Biliran ng isang senador, ang rehiyon ng Panay kabilang ang Guimaras ng isang senador, and rehiyon ng Negros ng isang senador at ang rehiyon ng Cebu kabilang ang Bohol, Siquijor at Masbate ng dalawang senador.

(5) Ang rehiyon ng Zamboanga kabilang ang Basilan, Sulu at Tawi-Tawi ay dapat kinakatawan ng isang senador, ang hilagang Mindanao kabilang ang Camiguin ng isang senador, ang rehiyon ng CARAGA kabilang ang Dinagat ng isang senador, and rehiyon ng Davao kabilang ang Samal ng isang senador, ang rehiyon ng Cotabato kabilang ang Cotabato ng isang senador, ang rehiyon ng gitnang Mindanao kabilang ang Lungsod ng Cotabato at Lanao del Norte ng isang senador.

(6) Dapat itadhana ng Comelec sa pamamagitan ng resolusyon ang mga purok pangkapulungan na bubuo ng mga rehiyon pangkapulungan, ayon sa mga nasabing alituntunin, rami ng kinauukulang mga naninirahan, kalakihan ng teritoryo at ng kasarinlan.

SEKSYON 32. Matangi kung may naiibang itinadhana ang batas, dapat kabilang ngunit hindi napapaloob lamang ng mga kinatawang party-list ang mga organisasyong pansektor ng manggagawa, magsasaka, mangingisda, sariling empleo, guro, manggagawang pangkalusugan, manggagawa ng pamahalaan, manggagawang nangibayong dagat, kabataan, mga magulang, kababaihan, matatandang mamamayan, micro na pangangalakal, maliit at katamtamang pangangalakal, malaking pangangalakal, pangkat ng mga tribo sa hilaga, pangkat ng mga tribo sa timog at ng mga sultanato sa katimugan. Ang mga pwesto ay dapat ilaan ng batas sa mga sektor ayon sa rami ng kanilang kinasasakupan at ng bigat ng kanilang panlipunan at pangkabuhayang kontribusyon sa estado. Dapat itadhana ng Kapulungan ang isang sistema ng botohang pansektor kung saan ang mga botante ay maaaring bumoto sa kanilang piniling sektor. Ang isang botante ay dapat maaaring magrehistro at bumoto sa isang sektor lamang.

SEKSYON 33. Ang mga sumusunod na tao ay dapat diskwalipikado at bawal mahalal bilang Kagawad, o maging nominado ng mga kinatawang party-list, ng Kapulungan, sa loob ng panahon ng panunungkulan mula sa ikatlumpung araw ng Hunyo 2010 hanggang sa ikatlumpung araw ng Hunyo 2015:

(1) Ang sino mang tao na nanungkulan nang kahit kailan bilang senador, kinatawan, congressman, assemblyman, nominado ng kinatawang party-list, kagawad o nominado ng isang kagawad, o mambabatas ng pambansang lehislatura;

(2) Ang sino mang tao na nanungkulan nang kahit kailan bilang presidente o bise presidente;

(3) Ang sino mang tao na nanungkulan nang kahit kailan bilang punong mahistrado o mahistrado ng Kataastaasang Hukuman;

(4) Ang sino mang tao na nanungkulan nang kahit kailan bilang tagapangulo o komisionado ng Komisyon sa Serbisyo Sibil, Komisyon sa Halalan, at Komisyon sa Audit;

(5) Ang sino mang tao na nanungkulan nang kahit kailan bilang, gobernador, bise gobernador, mayor, bise mayor, punong barangay, barangay captain, officer-in-charge, chief executive, vice-chief executive, ng isang awtonomiyang rehiyon, metropolitan na subdibisyong pulitikal, lalawigan, lungsod, bayan, barangay, o unit ng pamahalaang lokal;

(6) Ang sino mang tao na nanungkulan nang kahit kailan bilang Ombudsman, Tanodbayan, o Deputy Ombudsman;

(7) Ang asawa at mga kamag-anak sa dugo o sa relasyon hanggang ikatlong antas sibil, ng sino man sa mga naririto.

Ang mga panukalang pagbabago ay sinulat na *ex-gratia* ni Demosthenes B. Donato para sa We Citizen Advocates for Reforms Movement (We Care), Inc. (Kilusan ng Mamamayang Nagmamalasakit sa Bayan). Ang lahat ng *intellectual property rights* ay binibigay sa *public domain*.